

Benedictio scapularis rubri

Passionis et Sacratiss. Cordis D. N. J. Chr.

necnon et Cordis amantissimi et compatientis

B. Mariæ Virg. Immaculatæ.

Propria Congr. Missionum.

Genuflexo qui suscepturus est scapulare, Sacerdos superpelliceo et stola rubra indutus, capite detecto, dicat:

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum. **R.** Et cum spiritu tuo.

Orémus.

Domine Jesu Christe, qui tégumen nostræ mortalitatis induere dignatus, temetipsum exinanivisti, formam servi accipiens, et factus obediens usque ad mortem crucis: tuæ largitatis clementiam humiliter imploramus, ut hoc genus vestimenti, quod in honorem et memoriam dolorosissimæ Passiõnis tuæ, tuique sacratissimi Cordis, necnon et Cordis amantissimi ac compatiëntis Immaculatæ Matris tuæ institutum fuit, atque ut illo induti hæc mystéria devotius récolant, benedicere ✠ digneris; ut hic famulus tuus qui (vel hæc famula tua quæ) ipsum gestaverit, te quoque, per tua mérita et intercessiõnem beatissimæ Virginitis Mariæ, induere mereatur. Qui vivis et regnas in sæcula sæculórum. **R.** Amen.

Hic Sacerdos sacrum scapulare aqua benedicta adspergit, et illud imponit, dicens:

Accipe, carissime frater (vel carissima soror), hunc hábitum benedictum, ut véterem hóminem exutus (vel exúta) novúmque indutus (vel indúta) ipsum digne pérferas, et ad vitam pervenias sempiternam. Per Christum Dóminum nostrum.

R. Amen.

Deinde subjungit:

Et ego, ex facultate mihi concessa, recipio te (vel vos) ad participatiõnem ómnium bonórum spirituálium, quæ per Sanctæ Sedis Apostolicæ privilegium huic sancto scapulári, in grátiam Congregatiõnis Missiõnis, concessa sunt. In nómine Patris, et Filii, ✠ et Spíritus sancti. Amen.

Denique dicatur trina vice versiculus sequens:

Te ergo quæsumus, tuis famulis súbveni, quos pretioso ságuine redemisti!

Benedictio coronarum pretios. Sanguinis.

Propr. Congr. Miss. pretios. Sanguinis.

Constat corona precatoria triginta tribus granulis, in septem distinctis partes, quarum quæque quinque habet granulos, septima parte excepta, quæ tantum tres numerat; ut ita honorentur septem Sanguinis Christi præcipuæ effusiones recitatione 33 Pater noster et 7 Glória.

V. Adjutorium nostrum in nomine Domini.

R. Qui fecit cœlum et terram.

V. Redemisti nos, Domine, in Sanguine tuo.

R. Et fecisti nos Deo nostro regnum.

V. Te ergo quæsumus, tuis famulis súbveni.

R. Quos pretioso Sanguine redemisti.

V. Domine, exaudi orationem meam.

R. Et clamor meus ad te véniat.

V. Dominus vobiscum.

R. Et cum spiritu tuo.

Orémus.

Omnipotens et miséricors Deus, qui propter eximiam caritatem tuam, qua dilexisti nos, Filium tuum unigénitum, Dóminum nostrum Jesum Christum, de cœlis in terram descendere, et de beatissimæ Virginitis Mariæ Dóminæ nostræ

útero sacratíssimo, Angelo nuntiánte, carnem suscipere voluísti, ut nos eríperes de potestáte diaboli: obsecrámus imménsam cleméntiam tuam; ut has corónas in honórem, et laudem pretiósi Sanguinis ejúsdem Fílii tui ab Ecclésia tua fidéli dicátas bene ✠ dicas, et sanctí ✠ fices, eisque tantam infúndas virtútem ✠ Spíritus sancti, ut quicumque harum quámlibet secum portáverit, aut in domo sua reverénter tenúerit, ab omni hoste visíbili et invisíbili semper et ubíque in hoc sáeculo liberétur, et post éxítum suum, méritis ipsius pretiosíssimi Sanguinis, ad ætérnam beatitúdinem feliciter pervéniat. Per eúmdem Christum Dóminum nostrum. *R.* Amen.

Adspargantur aqua benedicta.

Benedictio rosariorum B. M. V.

Propria Ordinis Prædicatorum.

V. Adjutórium nostrum in nómine Dómini.

R. Qui fecit cælum et terram.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Omnípotens et miséricors Deus, qui propter exímiam caritátem tuam, qua dilexísti nos, Fílium tuum unigénitum, Dóminum nostrum Jesum Christum, de cœlis in terram descéndere, et de Beatíssimæ Vírginis Mariæ Dóminæ nostræ útero sacratíssimo, Angelo nuntiánte, carnem suscipere, crucémque ac mortem subíre, et tértia die glorióse a mórtuis resúrgere voluísti, ut nos eríperes de potestáte diaboli: obsecrámus imménsam

cleméntiam tuam; ut hæc signa rosárii, in honórem et laudem ejúsdem Genitrícis Fílii tui ab Ecclésia tua fidéli dicáta, bene ✠ dicas, et sanctí ✠ fices, eisque tantam infúndas virtútem Spíritus sancti, ut quicumque horum quódlibet secum portáverit, atque in domo sua reverénter tenúerit, et in eis ad te, secúndum hujus sanctæ societátis institúta, divína contempládo mystéria devóte oráverit, salúbri et perseveránti devotióne abúndet, sitque consors et párticeps ómnium gratiárum, privilegiórum, et indulgentiárum, quæ eidem societáti per sanctam Sedem Apostólicam concéssa fuérunt, ab omni hoste visíbili et invisíbili semper et ubíque in hoc sáeculo liberétur, et in éxítu suo ab ipsa Beatíssima Vírgine María Dei Genitrice tibi plenus bonis opéribus præsentári mereátur. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sáecula sáeculórum.

R. Amen.

Deinde adspargantur aqua benedicta.

Absolutio impertienda confratribus rosarii in articulo mortis constitutis.

Propria Ord. Prædic.

Dicto Confiteor, etc. Sacerdos dicat: Misereátur, etc. et Indulgentiam, etc. Deinde:

Dóminus noster Jesus Christus, Fílius Dei vivi, qui beáto Petro Apóstolo suo dedit potestátem ligánda et solvénda, per suam piíssimam misericórdiam recípiat confessióem tuam, et remíttat tibi ómnia peccáta, quæcúmque et quomodocúmque in toto vitæ decúrsu commisísti, de quibus corde contrítus et ore conféssus es; restítuens tibi stolam primam, quam in baptísmate recepísti. Et per

indulgéntiam plenáriam a Summis Pontificibus Innocéntio octávo et Pio quinto, confrátribus sanctíssimi rosárii in artículo mortis constitútis concessam, liberet te a præséntis ac futúre vitæ pœnis; dignétur purgatórii cruciátus remittere, portas inférni cláudere, paradísi jánuam aperíre, teque ad gáudia sempitérna perdúcere: per sacratíssima suæ vitæ, passiónis et glorificatiónis mystéria, sanctíssimo Rosário comprehénsa. Qui cum Patre et Spíritu sancto Deus unus vivit et regnat in sácula sæculórum. **R.** Amen.

Benedictio habitus ac receptio confratrum

B. Mariæ Virg. de monte Carmelo.

Propria Ordinis Carmelitarum.

Sodalitati huic nomen daturus, ipso die ad Pœnitentiæ atque Eucharistiæ Sacramenta accedat, ut plenariam Indulgéntiam a Paulo V. concessam lucrari valeat.

Si fieri potest, scapulare benedicendum est ad Altare Beatissimæ Virginis Mariæ de monte Carmelo, duobus cereis accensis.

Sacerdos superpelliceum induat, una cum stola albi coloris.

Genuflexo qui habitum recipit, Sacerdos stans dicat:

Suscépinus, Deus, misericórdiam tuam in médio templi tui: secúndum nómen tuum, Deus, sic et laus tua in fines terræ: justítia plena est dextera tua.

Kýrie eléison. Christe eléison. Kýrie eléison. Pater noster. secreto.

V. Et ne nos indúcas in tentatiónem.

R. Sed líbera nos a malo.

V. Salvum fac servum tuum.

R. Deus meus, sperántem in te.

V. Mitte ei, Dómine, auxiliúm de sancto.

R. Et de Sion tuére eum.

V. Nihil proficiat inimícus in eo.

R. Et fílius iniquitátis non appónat nocére ei.

V. Dómine, exaúdi oratiónem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Suscípiat te Christus in número fidélium suórum, et nos, licet indigni, te suscépinus in oratióibus nostris. Concédát tibi Deus per Unigénitum suum, mediatórem Dei et hóminum, tempus bene vivéndi, locum béne agéndi, constántiam bene perseverándi, et ad æternæ vitæ hæreditátem felíciter perveniéndi: et sicut nos hódie fratérna caritas spirituáliter jungit in terris, ita divína píetas, quæ dilectiúnis est aucatrix et amátrix, nos cum fidélibus suis conjúgere dignétur in cœlis. Per eúndem Christum Dóminum nostrum. **R.** Amen.

V. Adjutórium nostrum in nómine Dómini.

R. Qui fecit cœlum et terram.

V. Sit nomen Dómini benedíctum.

R. Ex hoc nunc, et usque in sáculum.

V. Dómine, exaúdi oratiónem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Ætérne Pater et omnipotens Deus, qui Unigénitum tuum vestem nostræ mortalitátis indúere voluísti: obsecrámus, imménsam tuæ largitátis bene ✠ dictionem in hoc genus effluere vestiméti, quod sancti Patres ad innocéntiæ et humilitátis indíciúm a renuntiántibus sáculo gestári sanxérunt; et sic ipsum bene ✠ dicere dignéris, ut quicumque eo usus fúerit, indúere mereátur ipsum Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sácula sæculórum. **R.** Amen.

Orémus.

Suppliciter te, Dómine, rogámus, ut super hunc hábitum servo tuo (*vel ancillæ tuæ*) imponéndum bene ✠ dicitio tua benígna descéndat: ut sit bene ✠ dicitus, atque divína virtúte procul pellántur hóstium nostrórum visibílium et invisibílium tela nequíssima. **R.** Amen.

Adspergat habitum aqua benedicta, et imponendo dicat:

Accipe vir devóte (*vel devóta múlter*) hunc hábitum benedíctum: precántes sanctíssimam Vírginem, ut ejus méritis illum pérferas sine mácula, et te ab omni adversitaté deféndat, atque ad vitam perdúcat ætérnam. **R.** Amen.

Adésto, Dómine, supplicatióibus nostris: et hunc fámulum tuum (*vel hanc ancíllam tuam*), quem (*vel quam*) sodalitatí sanctæ religiónis Carmelitárum sociámus, perpétua tríbue firmitáte corroborári, ut, perseveránti propósito, in omni sanctitaté tibi váleat famulári.

Prótege, Dómine, fámulum tuum (*vel ancíllam tuam*) subsidiis pacis, et beátæ Mariæ semper Vírginis patrocíniis confidéntem, a cunctis hóstibus redde secúrum (*vel secúram*).

Bene ✠ dícat te cónditor cœli et terræ, Deus omnípotens, qui te eligere dignátus est ad Beatíssimæ Vírginis Mariæ de monte Carmélo societátem et confraternitaté: quam precámur, ut in hora óbitus tui cónterat caput serpéntis, qui tibi est adversárius, et tandem tamquam victor palmam, et coronam sempitérnæ hæreditátis consequáris. Per Christum Dóminum nostrum.

R. Amen.

Si autem habitus solum sit benedicendus, incipitur a V. Adjutórium nostrum, usque ad Orationem Suppliciter, inclusive.

Deinde adspergat confratrem aqua benedicta, et subjungat:

Ego auctoritaté, qua fungor, et mihi concéssa, recípio te ad confraternitaté sacrae religiónis Carmelitárum, et invéstio, ac partícipem te fácio ómnium bonórum spirituálium ejúsdem órdinis. In nómine Patris, et Fí ✠ lii, et Spíritus sancti. Amen.

His expletis describatur Confratris nomen in codice confraternitatis, et paucis, sed efficacioribus verbis Sacerdos eum adhortetur ad caute, pie, sancteque vivendum, ne Deiparam offendat, quam in posterum peculiari devotionis obsequio et affectu colere, ac veluti singularem ac dulcissimam matrem prosequi fas erit.

**Absolutio impertienda confratribus B. M. V.
de monte Carmelo
in articulo mortis constitutis.**

Propria Ordinis Carmelitarum.

Cum Sacerdos ingressus fuerit infirmi cubiculum, dicat:

V. Pax huic dómui.

R. Et ómnibus habitántibus in ea.

Deinde imposita stola violacei coloris, adspergat agrum et circumstantes aqua benedicta in modum crucis, dicens:

Adspérges me, Dómine, hyssópo, et mundábor: lavábis me, et super nivem dealbábor.

Miserére mei, Deus, secúndum magnam misericórdiam tuam. **Glória Patri. Sicut erat.**

Et repetitur Antiph. Adspérges me, etc.

V. Salvum fac servum tuum.

R. Deus meus, sperántem in te.

V. Nihil proficiat inimícus in eo.

R. Et filius iniquitátis non appónat nocére ei.

V. Mitte ei, Dómine, auxiliúm de sancto.

R. Et de Sion tuére eum.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Gxaúdi nos, Dómine sancte, Pater omnípotens, ætérne Deus: et mittere dignéris sanctum Angelum tuum de cœlis, qui custodiat, fóveat, prótegat, visitet, atque deféndat omnes habitántes in hoc habitáculo. Per Christum Dóminum nostrum. **R.** Amen.

Deinde genuflexus dicat Litanias B. M. V. pag. 20*

Kýrie eléison. **C**hriste eléison. **K**ýrie eléison. Pater noster, et Ave María.

Sub tuum præsidium confúgimus, sancta Dei Génitrix: nostras deprecationes ne despicias in necessitatibus nostris, sed a periculis cunctis libera nos semper, Virgo gloriósa et benedícta, Dómina nostra, mediátrix nostra, advocáta nostra: tuo eum Fílio reconcília, tuo eum Fílio comménda, tuo eum Fílio repræsénta.

V. Ora pro eo, sancta Dei Génitrix.

R. Ut dignus efficiátur promissionibus Christi.

V. Dómine, exaúdi orationem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Prótege, Dómine, fámulum tuum (vel fámulam tuam) subsidiis pacis: et beátæ Mariæ semper Vírginis patrocíniis confidéntem, a cunctis hóstibus redde secúrum (vel secúram).

Sanctíssimæ Genitrícis tuæ Sponsi, quæsumus Dómine, méritis adjuvémur: ut quod possibilitas nostra non óbtinet, ejus nobis intercessióne dónetur.

Omnípotens et miséricors Deus, qui humano géneri et salutis remédia, et vitæ æternæ subsidia

contulisti: respice propítius fámulum tuum (vel fámulam tuam), infirmitate cörperis laborántem, et ánimam réfove quam creásti; ut in hora éxitus illius absque peccáti mácula tibi Creatóri suo per manus sanctórum Angelórum repræséntari mereátur.

Deus, infirmitatis humanæ singuláre præsidium: auxilií tui super infirmum fámulum tuum (vel infirmam fámulam tuam) osténde virtútem; et sic eum (vel eam) grátia tua confirmáre dignéris, ut in hora mortis ejus non prævaleat contra eum (vel eam) adversárius, sed cum Angelis tuis tránsitum habére mereátur ad vitam.

Omnípotens, sempitérne Deus, qui montis Carméli Ordinem, gloriósa Vírginis Matris Mariæ sacráto título insignítum, sanctórum tuórum Eliæ, Angeli, Cyrilli, Albérti, Terésia, et aliórum plurimórum sanctórum méritis decorásti: tribue ei, quæsumus; ut per eórum mérita et suffrágia ab instántibus ánimæ et cörperis malis, et periculis liberátus (vel liberáta), ad te verum Carméli vérticem gaudens pervenire mereátur. Per Christum Dóminum nostrum. **R.** Amen.

His absolutis dicatur Confíteor, deinde Sacerdos stans dicat:

Misereátur tui, omnípotens Deus, et dimíssis peccátis tuis perdúcat te ad vitam ætérnam.

R. Amen.

Indulgéntiam, absolutiónem, et remissionem peccatórum tuórum tríbuat tibi omnípotens et miséricors Dóminus. **R.** Amen.

Orémus.

Deus omnípotens, salvátor et redemptor géneris humáni, qui Apóstolis suis dedit ligándi et solvéndi potestátem: ipse te absolvere dignétur ab